



## COMUNE DI **GUSPINI**

SETORI URBANÍSTICA E PATRIMÓNIU

**Chistioni: AVISU DE AMMOSTU DE INTERESSU PO SCEBERAI ASSÓTZIUS SPORTIVUS O DE VOLUNTARIAU INTERESSAUS A GESTIRI E A IMPERAI UNU PULLMINU A 9 POSTUS A SETZI PO FAI IS ATIVIDADIS INSORU.**

Su Responsàbbili de su Setori Patrimóniu

### **ARREMONAUS:**

Sa Delíbbra de Giunta n.153 de su 01/09/2021 innui si donant is indiritzus a su Responsàbbili de su Servíziu Patrimóniu po custu ammostu de interessu;

### **PREMÍTIU**

- Ca su Comunu de Gúspini est meri de unu pullminu a 9 postus a setzi Peugeot Furgoni atretzau po fai biaxai disàbbilis, Targa FB323EZ, chi ddu podit imperai chini tenit sa *patenti B*, chi bolit donai in cuncessioni a àtera genti;
- Ca s'autoveìculu funtzionat beni, est assegurau regularmenti e revisionau;
- Ca s'Amministratzioni creit giustu a cumprovai s'interessu de imperai custu pullminu a is assótzius sportivus e de voluntariau chi ddu pentzant utilosu po fai is atividadis insoru;
- Ca pruschetotu interessat is assótzius sportivus o de voluntariau segundu s'órdini de precedéntzia chi sighit:
  - Chi ddoi funt in s'assótziu iscritus prus piticus de 18 annus e prus mannus de 65 annus;
  - Abbisóngiu beru de su pullminu e tretus fatus;
  - situatzionis de stobbu in is spostamentus a foras puru de su centru abitau, de is iscritus chi tenint abbisóngiu de una màchina po si spostai (atretzada po disàbbilis), po fai is atividadis acapiadas a s'assótziu etotu.

### **FAIT SCIRI**

Ca est fissau un'ammostu de interessu rivólgiu a totus is assótzius sportivus o de voluntariau chi si podint agatai in is cunditionis indicadas cumentu chi benint prima:

- Chi ddoi funt in s'assótzio iscritus prus piticus de 18 annus e prus mannus de 65 annus;
- Abbasóngiu beru de su pullminu e tretus fatus;
- situatzionis de strobbu in is spostamentus a foras puru de su centru abitau, de is iscritus chi tenint abbasóngiu de una màchina po si spostai (atretzada po disàbbilis), po fai is atividadis acapiadas a s'assótzio etotu.

Cussus assótzius etotu agoa ddus ant a tzerriai po presentai unu progetu chi descriat is necessidadis e sa possibilitadi de imperai su pullminu e chi dd'ant a valutai segundu is critérius de precedéntzia arremonaus asuba

## **ART. 1 – SUGETUS PARTECIPANTIS**

Custu Avisu est rivólgiu a is assótzius sportivus o de voluntariau chi trabballant in su territóriu.

## **ART. 2 – DOCUMENTAZIONI E MODALITADI PO PRESENTAI SA DOMANDA DE AMMOSTU DE INTERESSU**

Is candidaduras si depint presentai a s'Ufítziu Protocolu de su Comunu de Gúspini, **aintru de is 11,00 de su 20.10.2021**, aintru de una busta serrada indirizada a su Comunu de Gúspini Bia Don Minzoni cun sa scritta **"AVISU DE AMOSTU DE INTERESSU PO SCIOBERAI IS ASSÓTZIUS SPORTIVUS O DE VOLUNTARIAU INTERESSAUS A SA GESTIONI E A S'UMPERU DE UNU PULLMINU A 9 POSTUS A SETZI PO FAI IS ATIVIDADIS INSORU"** opuru imbiadas cun PEC a s'indiriztu [protocollo@pec.comune.guspini.su.it](mailto:protocollo@pec.comune.guspini.su.it) aintru de sa própia ora.

In sa busta serrada si depint poni:

sa domanda de partecipazioni (cumentu in s'alliongiu A) firmada de su legali rapresentanti e cun alliongiada sa fotocópia de unu documentu de identidadi de chini firmat;

Custus documentus s'ant a depi alliongiari a sa pec puru e firmaus in digitali.

## **ART. 3 – CUMBIDU A PRESENTAI PROPOSTAS**

Pustis de sa procedura de ammostu de interessu, s'ant a cumbidai is assótzius interessaus a formulai una proposta de cumentu podint imperai su pullminu.

## **ART. 4 - TRATAMENTU DE IS DATUS**

Cunforma e po is efetus de su D. Lgs. 196/2003, si fait sciri ca is datus donaus de is cuncorrentis s'Amministratzioni Comunali ddus at a tratai sceti a sa tenta chi pertocat a custa procedura e eventualmenti po sterri sa cunventzioni apustis.

Firmendi s'istàntzia, is cuncorrentis donant acunsentimentu chi siant trataus is datus insoru.

## **ART. 5 - DISPOSITZIONIS TRANSITÓRIAS E FINALI**

Est normali ca is spesas de mantentzionis ordinària e straordinària de su pullminu ant a essi a càrrigu de su sugetu chi dd'at a pigai in gestioni in su tempus chi dd'at a imperai, e puru de sa regularizatzioni e voltura de s'assegurazzioni de chini dd'at a portai e de is passeggeris.

Ant a essi previdias puru cunditzionis de trocidura, chi pustis de is averiguamentus de is ufítzius competentis apitzus de su veículu, bessat a pillu unu imperu chi andit a foras de is tentas de custu avisu, o a dónnia manera unu imperu no alliongiu cun sa tenta de s'assótzii etotu.

Po totu su chi no est previdiu in custu Avisu, si mandat a is normas in vigéntzia in matéria de apaltus de servítzius púbbricus e a is disponimentus de sa Lei in vigéntzia e massimamenti su D. Lgs. 28 Abrili 2016 n. 50 e modificas e integratzionis afatantis, e puru a is normas e leis in vigéntzia in matéria sótzii-assistentziali e pruschetotu a L. 328/2000 e a sa L.R. n. 23/05 e regulamentus de atuazzioni.

## **ART. 6 - PREGUNTAS**

Eventualis preguntas apitzus de custa procedura si podint mandai sceti cun PEC a s'indiritzu [protocollo@pec.comune.guspini.su.it](mailto:protocollo@pec.comune.guspini.su.it) e indirizzata a s'atenzioni de su RUP aintru e no prus a tradu de is **oras 12 de su 15 de Meseladàmini 2021**.

## **ART. 7 - RESPONSÀBBILI ÚNICU DE SU PROCEDIMENTU**

Su Responsàbbili Únicu de su Procedimentu scioberau est s'Ing. Federica Pinna.